



ՀԱՂՈՐԴԱԳՐՈՒԹՅՈՒՆ

Ավստրալիայի և Նոր Զելանդիայի հայոց առաջնորդարանից (Սիդնեյ) ստացվեց մի հաղորդագրություն, որի մեջ հայտնում է, որ ա/թ. հունիսի 15-ին Կիպրոսի հույն եկեղեցու պետ Նորին ամենապատվություն

Ավստրալիայի և Նոր Զելանդիայի հայոց առաջնորդ տ. Գարեգին եպս. Գազանճյանը, ընկերակցությամբ առաջնորդական փոխանորդ տ. Աղան ծ. վրդ. Պալիոզյանի և Գեորգյ. սրկ. Զանդյանի, պաշտոնական



Նորին ամենապատվություն Տ. Խրիստատոմոս արքեպիսկոպոսը, տ. Գարեգին եպս. Գազանճյանը և տ. Աղան ծ. վրդ. Պալիոզյանը

Տ. Խրիստատոմոս Սրբազան արքեպիսկոպոսը ժամանեց Սիդնեյ՝ Ավստրալիայի հույն եկեղեցու առաջնորդ տ. Սթիլիանոս արքեպիսկոպոսի պաշտոնական և սիրալիր հրավերով, այցելելու համար Ավստրալիայի հունական և կիպրական գաղութին։ Այս բերեպատեն առիթով հույն օրը

այցելություն տվեց Սրբազան հյուրին։

Հայոց առաջնորդին և իր հետևորդներին տեղում դիմավորեց հույն եկեղեցու առաջնորդ սրբազան հայրը, որը պաշտոնապես ներկայացրեց հայ եկեղեցվո առաջնորդին Տ. Խրիստատոմոս արքեպիսկոպոսին և նրա հետևորդներին։

Ամենապատիվ Սրբազան հյուրը ջերմ ու սիրալիր ընդունելությամբ պատվեց հայոց առաջնորդին ու իր քարձր ուշադրությանն արժանացրեց հայ եկեղեցու ներկայացուցիչներին:

Բարիգալստյան պաշտոնական խոսքեր փոխանակելուց հետո, մտերիմ զրույցի ժամանակ, Ս. Խրիստոստոմոս Սրբազանը խորը

հիացումով արտահայտվեց հայ եկեղեցու և հատկապես նրա արժանավոր գահակալ Ն. Ս. Օ. Տ. Ս. Վազգեն Ա Ամենայն Հայոց կաթողիկոսի արժանիքների մասին, Որին հանդիպելու և ծանոթանալու պատեհությունը ունեցել է Մոսկվայում, Խաղաղության ժողովի ժամանակ:

Մ Ի Զ Ե Կ Ե Ղ Ե Ց Ա Կ Ա Ն

Ս/թ. հունիսի 2—6-ը Ավստրալիայի եկեղեցիների խորհուրդը Ատրելյո քաղաքում գումարեց իր 29-րդ ընդհանուր ժողովը:

Ժողովին ներկա էին զանազան եկեղեցիների ու կազմակերպությունների ավելի քան 200 ներկայացուցիչներ:

Ավստրալիայի և Նոր Զելանդիայի հայոց առաջնորդ տ. Գարեգին եպս. Գազանճյանը, որպես փոխնախագահներից մեկը, թեմական-պատգամավորական տարեկան ընդհանուր ժողովի պատճառով չկարողացավ ներկա գտնվել այդ ժողովին: Նրա փոխարեն ժողովին մասնակցեց առաջնոր-

դական փոխանորդ տ. Ադան ծ. վրդ. Պոլիոզյանը, որին ընկերակցում էր Մելքոնի հոգևոր հովիվ տ. Ներսես քհն. Գոռգյանը:

Ժողովն իր հնգօրյա աշխատանքների ընթացքում առավելապես զբաղվեց եկեղեցի և ընկերություն, հավատք, քույր եկեղեցիների փոխհարաբերություն և էկումենիկ հարցերով:

Հունիսի 2-ին, ուրբաթ օրը, տեղի է ունեցել եկեղեցական հատուկ արարողություն՝ էկումենիկ ոգով, Ատրելյո անգլիկան ս. Պողոս եկեղեցում:

